

A Monthly Christian Magazine
An Organ of the Zou Presbyterian Church Synod



Khristian Tangkou

Vol. 37 || No. 08

SUOPAT KUM 1964

AUGUST, 2011



Editor: REV. STEPHEN CHINZATHANG

Khristian Tangkou

Vol. No. 37 || Issue No. 08 || August, 2011

Editorial Board

Editor : Rev. Stephen Chinzathang
- 9863042789
ct_stephen@yahoo.com

Joint Editor : Rev. P.C. Manga - 9856130542

Cir. Manager : Mr. Jamsianmung - 9862086615
sianmung@rediffmail.com

Bus. Manager : Rev. Kamkhosoi - 9436665591
pastorkamsoi@gmail.com

Cont. Editors : Upa S.K. Khama - 9856406454
Rev. Awnkhankhup - 9862828921
Rev. Lamsuanthang - 9862072683
elesty@rediffmail.com
Rev. Thangboi Khuongsai
- 9402735675

ZOU SYNOD ULIENTE

- Moderator:
Rev. Lamsuanthang
- Moderator Elect:
Rev. Tualzachin
- Secretary Sr.:
Upa Tualkhanpau
- Secretary Jr.:
Upa Nengchinkap
- Treasurer:
Upa M. Kamzadou
- Statistician:
Upa T. Lamkthohawng
- Exe. Secretaries:
Rev. Stephen Chinzathang
Rev. P.C. Manga

A sung thu

- Editorial01
- Thu Tuomtuom.....02
- Ephesa Suggestion04
- ZPWF Column.....09
- Hattuum 11
- Sawmakhat 15
- Jawlla sah 19
- Dohna & Dawnna20
- Operation Mobilization21
- Ankam chi thepa.....23

Copies - 1000

AMAN

Kumkhat ah	- ₹	40/-
Post ah	- ₹	50/-
Copy khat ah	- ₹	3/-
Life Member Fee	- ₹	600/-
Patron Member Fee	- ₹	1000/-
Memorial gift	- ₹	1500/-

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

Printed at: M/s Thawnsaau Printing Works, Zion Street, Churachandpur, Manipur

August, 2011 |

Mi kipah thei mi, thanuom thei te khu leitung ah mi vangpah penpen te ahi uhi. Mihing duh-am-na, mihing kiletsahna te zal in damsung in kipah na ding siltampi um nanleh kipah na mawngmawng neilou bang a lungtha maisuo, dem lungtang puo a, nuoisie lungsim nei gige te khu leitung ah mi pieng vangse pen ahi.

Gingtute kipahna thu Pasian ah akinga hi. (Psalm 1.) sung ah mi hampaha achite i et leh Pasian dan a kinga kenkon te, Mangpa danthu te asun azan a ngaituo gigte ahi. Psalm gieltu in mihingte kipah theina ding mun tampi ah agiel a mimal hileh apawl hileh kipahna bulpi khu Mangpa akipat ahi achi hi (Psalm 16:43;4:). Jawlnei Isai in Mangpa silbol hing tung dingte zieh a kipah ding chite, Leitung a kilawmna, ahoina te zieh a kipah ding chin ana gen hi. Juda ten a lamet uh Messiah hing pei ding angaituo chiengun tuami a kipahna bul uh ahi zel hi.

Gingtu masate Hagau siengthou atan zieh un akipah ua, Hattuom aphuh dohte zieh un akipah ua, Pasian gam a kehlet zieh un akipah ua, Gingloute gingtu a asiemte zieh un akipahna uh asang dieh hi. Tulai gingtu hisa hatuom nehsuina nei khenkhatte eima hattuom a lungkim talou khenkhatte alah lut chiengin i kipah thei mama ua, i kipahna khu tahsa sillam ahi ziehin umzieh anei dieh sih hi. Sep leh bawl ten mihing akipah sah bangin Pasian lungtunna bang a sem leh bol ten kipahna aneitam deu ua, amel uh imuh chiengin zong amai taina un mite akipahsah va-ia hi.

Na kipah ei? Kipahna na nei ei? Neising, khovel ka ning ta hi na chi zel ei? Khovel nin changte um nan leh Mangpan na kipah khop anei mama hi. Mangpa ah kipah zing un; Pasian a kipat a guoljawlna na tan te amin in lou inlen siem in;

Na chi hiengte en -

Na tate en in -

Nichin nekhkop na neite en in -

Ama nna nasep thei zieh in kipah in -

THU TUOMTUOM LEH THUMNA A THEIDINGTE

- * Jan.-Feb 2011 a isua tah Independent gam kibalap kichi khu Referendum (Indepent kadei tahtah na uhi chi etsahna vote khieh kizou pen hali/hanga apeinuo in tu in **South Sudan** minpuo in Independent gam tahtah ahita hi.
- * **India gam sungah Khamthei zuo tam deudeu:** Delhi Police in June 7,2011 in Ram Naresh Delhi apat Manipur tawn a Myanmar leh China a thot ding khamthei (drugs) Ephedrins leh Amphetamine Kg. 250 a gih a sum a tuot a Rs. 200 Coure man ding aman khia uhi. Tuani ma in Guwahati ah Manipur mi nupa khat a kipat in heroine Rs. 5.24 Lakh man ding CID ten aman ua, June 5, in Ephedrine (15mg) tang 1215800 bawm (Cartoon) 8 a kithun a sum a tuot a Rs. 120 Core man ding Myanmar a kihah sawm a laitah Blaze flash Courier, Khoyathong, Imphal apat NCB ten mi 3 tawh aman uhi.
- * **2008 kum a Christiante kisoisah leh kithana District, Kandhamal District,** Orissa State, India ah mithat/misoisate mi-9 kum 6 suongkul tang ding leh Rs.11,000/- chiet lieu ding in court in thutan khum chi in All India Radio News in dt. 22-07-2011 ni in phuong Unau I.C.I te maimai in zong Orissa Khristiante a ding in Biehinn sawm(10) lam zou in May ha tan in inn ahing kia zouta uhi. Khristiante a ding in i thumna uah theichiet vai.
- * **U.S.A ah lut uh:**
 - i) I Pawlpai mi leh sa umaute: Suanlianpau
s/o Upa Pumzadal
 - ii) Thienbiahlun
s/o Upa Pumzadal Hiamtam (K)
 - iii) Langminlian
s/o (L) Chinzasuan of Hiangtam (K)
 - iv) Thanghauilian
s/o (L) Chinzasuan of Hiangtam (K)
 - v) Chinenthang
s/o Thangginmang of Muallum
 - vi) Mr. Joseph
s/o Thenkhosei of Shillongte ahi uhi.

Ama uhte Malaysia apat lut ngen ahi uhi. Midang USA lut i pawlpi mi i gelkhahlou a um leh ki theisah a, akia chieng isuo zom theina ding un bawlkhiel a um leh kingai siem tua chiet vai.

- * Date 14 August, 2011
chieng in **P. Suohzahau Presbyterian Church**
Biehinn a lamtha uh Honna
Rev. Thangboi Khuongshai,
Singngat District Pastor, ZTP/
ZPCS in anei ding hi. Tutung a
pen abiehinn uh anivei Honna
ding ahi tahi. Buoina bangma
a um louna dingin i thum na
uah theichiet vai.

Innmun Suongphuna

New Delhi| Jul 31: Tuni zingkal dah 10:30 vel in Kaushik Enclave Burari, North Delhi a Pu Ginsuanhau innmun ah suong phumna nei in um hi. Delhi a um Zou Pastor teng chiel ahi ua, Rev. GK Samte (former ZCF Pastor), Rev. Jangkholun Mangte (ZCF Pastor), Rev. Kamsuanlal (MELCD Pastor) leh Rev. Jonathan Nehlian (ZPCS Pastor) ten inn suong phumna hun uap chiet uhi. Innmun pen 65 ft x 45 ft a lien hi'n kigen a, tunia hun bang khu Delhi Zoutate lah a khat veina pawl in zong kigen hi.

Tu kum January - July 2011 tan a Sawm-a-khat sungkha nailou Hattuumte tam anei a bang ahi:

1. Langgol
2. Daijang
3. Bohlui
4. Munpi
5. Zoukhonuum
6. Suongkuong
7. Zomi Zion

EPHESA SUGGESTION

Bung khat leh bung ni na sung

Bung 1:1-23

1. Paul min umzie gen inlen = Ama ginnate, lamet
amin ni(2) neite zong nate, siemtannate,
hilchien in s i e n t h o u n a t e ,
lungmuonnate, hing
= Amin umzie khu “Mineu”
china, Saul pen Hebrai
lah a amin ahia, Paul pen
Zentelte hatna ahi. neisah khu hagau
guoljawlna ahia, Khrist
guoljawlna chi khu hagau
lam hausatna ahi.
2. Khrist umzie leh ahinatah
gen in. 5. Pasion in a hundam
dingte a telkhawl e,
telkhawllou, guotkhawl
e, guotkhawllou, gen in.
= Khrist khu Grik ham ahia,
Hebrai ham in “Messia”
ahia, a umdan kibang
veve, thaunil china ahi. = A lungsim thuhpen a
alungsiet lai in Jesu
Khrist ah mi tampi tapa
a bawl dingin ana guot
tawh, leitung kisiem
masang a ama thu ngel a
aguotsa ahi.
3. Paul sawlkawi ahidan gen
in. 6. Tapidawten heisung a
pat in, bang in e, ahing
‘tatkhiat’ chin dohna
dawng ding hitalei,
bangchin i dawngta diei?
= Nas 14:14 ah Barnaba
zong s awlkawi chi ahia, a
umdan ahileh Pasion thu
tangkoupi ahisihleh Palai
china hia, Pasion nasem
ding a sawl china ahi.
4. Hagau lam guoljawsahna
chinteng chi umzie leh
Khrist guoljawlna chite
khu bang adiei? = Tatdohna chi khu ‘leidoh’
mempia a tat doh chi ahia,

Mosi dan a pat, khelna apat, setan silboltheina apat, khovel a pat a tatkhieh china ahia, tua khu khelnate ngaidam china ahi.

7. Tamna hun bukim chi in bangteng huom in na thei ei?

= Hun bukim chi khu tehkhin thu a gente ahia, Innkuon lah ah Pa pen in innsung khosah ding dan lunggel hunte ahia, silbangkim ah khat a-um bangin Pasian innkuonte tung ah zong Pasian in Khrist khu lamkai bang in lei leh van a sil zousie ahun chin chieng leh Khrist thunuo i ah a um sieng hi.

8. Van a sil umte leh leitung a sil umte umzie gen in.

= Lei leh van a tuomtuom in a um a, sil tampite zong a zattuom a, hinanlezong hun leh nite ang tung ding a, ang tun hun chieng in lei a misiengthoute leh Van a mite khu

ang kikhawm ding ua, pumkhat in ahing um ding hi.

9. Silbangkim akengnuoi ah akoi ta chi in bang chin na thei ei? Tualeh hattuomte kung a apieh chi a umzie hilchien in.

= Akengnuoi a koipa khu tunglam a lamkai vaihawm pen khu Pa in a guot Khrist ahia, khovel zousie khu a thunuo i ah a koi china ahia, tuate khu, silsiemte, huite, tuifuonte leh leimangpente, vaihawmtute, gamte, namte ahi. Hattuom kinga piehkhieh chi in hattuomte toh kizopna ahat sem theina ding a deiman ahi.

10. Paul in bangkim sudimpa achi khu koi e? A umdan hilchien in.

= Khrist ahia, munchin ah a um a, sil zousie bulpi zong ahi.

1) Khrist bangkim ahidan
hagau a theisiem ahi.

2) Paul in Ephesa mite
Khrist a theichien uh a
deisah hi.

3) Hattuumte khu abit ding
mawng ahi.

4) Silbangkim sudim thei pa
ahi ziehin mipoimaw ahi.

11. Hagau siengthou kichiem
a chiemtena khu koi
kungah leh bang hun a
tangtung e?

= I Mangpa Jesu gingta
zousie kunga chiem
leh hing tung ahia, I
Mangpa Jesu gintat nua
a lungsietna silbawl hun
ahi (Gal. 5:6; Eph. 1:15).

12. Theina poimaw dan
chi li(4) vel in gen in.

= 1) Mihing in Pasian leh
ama kikal ah sil asuhkhiel
zel leng ziehin

2) Thudih pom theina

3) Biehna lam a lungsim

suvah dingin

4) Sil muchetna ahi.

Bung 2:1-22

1. Tatvalnate leh khelna zieh
a “shi” chi khu a umzie
bang e?

= Pasian thu azah uleh a thei
masang un bawlsietna
leh khelna zieh a shi
ahi ua, tuaziehin, thuh
tha zahdan in, hagau a
pientha masang a, hagau
a “shi” chi khu ahi.

2. Suhhing kichi in bang
ang theisah ei?

= Thuhuntha ah ang
suhhat ahiei, suhhal
ahiei, chi mai hilou in, a
shisa suhing ahisihleh
hinna neilou hinna pie
chi ang theisah hi.

3. Lungthahnate a pieng
mawng ihi uh chi khu
bange? Lampi ni a genthei
ahia, tuate khu bang e?

- = Khristien ahi masang in L awkeyte toh kibang in lungsim a ngaituo ua, a du-am na tapou uh setan chi umlou leh kisem lou in a um uh chi na ahi. Lungthahna ta a pieng mawng chi lampi ni a tamgbang agen thei ahi.
- i) Pienchil phung leh taang a, pienphunga, lungkham in, lungthahna dan thei in, mikhiel mawng a pieng ihi uhi.
- ii) Lungthahnate, Pasian lungthahna china lam ahi. I pienphung in Pasian sulungthahsa a um, lungthahna tah chi ahi.
4. Khrist toh kiguol a kaithou chi khu a umzie bang e?
- = Khrist pen Pasian in mishi lah a kipat a, akaithou ziehin tapidaw zousie toh kiguol a akaithou chi khu a umzie ahi.
5. Taang 8 na a, “Pasian silpieh” achi khu bang pen e? Tualeh khum zong nouma a piengkhe ahisih a, achi khu bang agenna e?
- = Ginna thu Pasian silpieh ahia, King James Version English Bible ah, “It is the gift of God” achi a, tua khu Pasian silthawn pieh ahi.
6. Ginna khu Pasian silpieh ahitaleh ang pieh masangsie a gintat thei lou ding hitaven i?
- = Ginna zong Pasian silpieh ahi, chia ngaithei ahia, hundamna khu sil sepkhietthei ahisih a, i gintatna ziehin hundam ihi uhi, chia i kiletsahpi khat ding a zauhuoi a, “Pasian silpieh” ahi, chi a gentuppen ahi.
7. Ginna amah? Hundamna, Ginna ahileh mite’n ama thu a gingthei sih ding uh, china ahi diei?

= Ginna lou in ama khu
suhhing thei guol ahisih
hi (Heb. 11:6).

8. Bang leh bang a ei
gingtute khu hundam ihi
uai?

= Itna leh hepina ziehin.

9. Hilchien in, Zentelmi leh
Judami.

= Zentelmi leh Judamite
khu Judami te'n amau
kikhaikhawmna achina
uh ahia, Judamite pen
Pasian thuhun kemmite
teptan mi zousie china
ahi.

10. Teptan chi umzie bang
e?

= Abraham kunga Pasian
Thuhun ahia, tahsa khat
a siem ahia, hagaulam
etsahna a pieh ahi (Rom.
4:1-12).

11. Israel khuo leh tui chi
khu bang e?

= A Mangpa uh "Messia"
hing pei ding kilamet
zousie khu "Israel khuo

leh tui a sim ahi.

12. Ephesa 2:20 na a,
"Guolnei" achi khu koite
e?

= Juda leh Sila

13. Mikhuol umzie gen in
= Gamdangmi china

14. Israel tha kichi khu koite
e?

= Zentelte

15. Hattuumte khu bangtoh
gentena e?

= Inn thupi tah toh gente
ahi.

16. A miga Suong tulmaw
pen chi in, bang a koh ei?
Hilchien in.

= "Jesu" khu hattuumte
kingahna bulpi ahidan
akhoh hi.

17. Lemna Khantan hoi chi a
umzie bang e?

= Lemna chi khu "tamna"
ahiia, Mangkangte'n
"Peace" Zokam in chini a
genthei ahi:

i) A kilemloute kilepkiana

ii) Lungsim nuomna lam

- a hamuonna = Siltup fuhlouna akhah
ding bang a khahlouna,
18. Suongphung kichi khu munchiemte na
bang e? munchiem uh a
= Jesu Khrist. khahlouna uh china ahi.
19. Bosietna khu a Grik ham 21. Pasian in bang ding a ang
in "Paraptoma" chi ahia, pientha sah e? Etsahna 3
tua khu bang china e? tan gen in.
- = Lampi ni pielsan a = Kumtawn gam tung thei
mangthai china ahi. ding in leh:-
20. Khelna chi khu a Grik 1) Silhoi bawl ding
ham in "Homortia" chi in. 2) Ang kisia sah hi. 3)
ahia, tua khu bang china Ang gingtasah hi.
e?
-

ZPWF Column

8th April - 31st July 2011

- | | |
|---------------------------------|-----------|
| 1. PWF Tuaitengphai Anntang | - Kg. 4 |
| 2. Pu Chinzapau Sabual | - 500 |
| 3. Nu Chingneikim Zoveng | - 100 |
| 4. Upa Kamkhenpau P. Salem | - 350 |
| 5. PWF P. Salem | - 70 |
| 6. PWF Bohlui Antang | - 15 Kgs. |
| 7. PWF Mualtam Antang | - 6 Kgs. |
| 8. Nu Lunzangai Zoveng | - 50 |
| 9. Pu Kamzalian & Chingdeichiin | - 200 |
| 10. PWF Teisaljang | - 530 |

11.	Pu Kamkhogin	- 600
12.	M.Board Aina	- 500
13.	PWF Behiangjang Anntang	-46Kgs- 40
14.	Tv. Lienneisang Nungshai	- 100
15.	ZPWF Sabual	- 540
16.	Nu Chinkhanman Awnchinkapkhuo	- 50
17.	Floria Hatnu U.K	- 40,000
18.	Pu Thatchinmang & Family Z/Colony	- 500
19.	Pu Lunzanou & Family Z/Colony	- 1000
20.	Nh. Mandeilun Z/Colony Naupangte T.Shirt	- 5
21.	Tv. Tutbiehthang Lamka Dist. Hq.	- 700
22.	PWF Sangaikot Anntang	- 30 Kgs.
23.	PWF Zotang District Bongsa	- 2 Kgs
24.	PWF Nungshai	- 300
25.	Pu Rajen Mangjing	- 20
26.	PWF Tuining Antang 45Kgs	- 100
27.	Pu Chinzamang Tuimanjang	- 200
28.	Nu Vungkhanching LDCC	- 500
29.	Zotang Pate Antang	- 50Kgs
30.	M/Board Z/Colony	- 1000
31.	PWF Lamphel	- 220
32.	Pu Lamchinhau LDHQ	- 150
33.	Nu Chinhuai LDHQ	- 100
34.	Tv. T. Kamhaulun LDHQ	- 100
35.	Bangalore P. Church LCC	- 4600
36.	Nh. Kimhoiching, Zoveng	- 2000

April - July 2011 sung a hi bang a hing gelkho a silpie leh thumna a hing na enkoltu Pasian misiengthou noute zousie zieh in Pasian min ka patawi a kou a ding a na pan lahna sang ua tamzaw Pasian in hing guoljawl in hin gumpi chietta hen chi khu ka thumna uh ahi.

Hattuor



Matt. 16:18

- Rev. Thangboi Khuongsai

*Amasa'n simtu zousie I Mangpa
Jesu Khrist min in chibai.*

Tutung i houlimna thupi dingin
“Hattuom” chi kang teel hi. I
gam a Khantanhoi thupha hing
lutna Kum 100 bang aval ta a
imi namte'n zong tua thupha
imuna leh Pasian thu i awina
uh kum 55 (JCA apat in) bang
chingtou ihita ua, hattuum
pawlpi tuomtuomte zong atangpi
in Golden Jubilee lawm zou ihi
chietta uhi. Tamtan hing puitu
ibieh Ebenezer Pasian min phat
in umta hen!

Kum 50 val hattuum pawlpite
ihita nuo un zong mi tamtah te'n
Hattuom kichi bang ahia? Aneitu
koi? Bangdia buldet theilou? chi
theilou in ngaidan (Concept)
tuomtuom nei tampi ki um tham
nalai hi. Tuaziehin, keima thei
leh kana mu dan tamlou kup ve
sam ka ut hi.

Tulai khenkhat geldan in i
Biehinn Building amaw, i
kipawlkhamnate amaw pen

hattuum dan in igel leng uhi.
Ahilouleh, Biehinn kaiteng or
Biehinn a min kikhum (member)
zousie khu hattuum himai dan
in zong ingaisut thei uhi (Adih na
chieng zong um, mihing ngaidan
ah), nanleh hinaisailou!!!

“Hattuom” kichi thuteng
Laisiengthou abihtah a
Thuhuntha a kizang khu Greek
thuteng “Ekklesia” chi apat a
kilet khia ahia, tuakhu tuomse,
atuom a hatkhiet ahilouleh
hatkhiet a umte, china ahi hi.
Tuami umzie ahileh Pasianin
atapa Jesu Khrist tungtawn a
ata deitah (hundamta) te hidinga
a hattuumte amaw atuom
a ahatkhiette china ahi hi.
Tuakhu Pasian tapa Jesu Khrist
tungtawn a ginna a kumtawn
hinna tang ding a Mang leh
Hundampa a kipom zousie khu
hattuum ihi uhi.

Mi khenkhat (atam zawte zong
himaithei) ngaidan in ‘hattuum’
kichi khu siempute (Pastors),

Upa (Elders) amaw, a sung a vaihawm LCC te amaw khat adan in ingaisut ua tuaziehin lungkim louna/lungtunlouna inei chieng un ideh bawl ua, Biehinn kailou, kikhop ngaisahlou in i um ua, thamlou in mimal hinkhuo tanphah kisietlaw tampi ki um leng hi. Tuami khu ingaidan dihlou uh hattuum khu Pastor te, Upate leh pawlpi sung a vaihawmte a dan a i ngaisut zel zieh uh ahi hi. Hi laizanglou ahi aw....! Amaute khu aneitu hilou in a kemtu ahia, aneitu zong ahi hi (Mt. 16:18). Tuaziehin hattuum anuoh, hattuum dem leh phunsan kichi khu mimal leh akemtute deh/nuoh/phunsan hilou in Jesu Khrist deh/nuohsan/phunsan ihi uhi chi thei ahi). Ama aneitu ahiziehin.

Hattuum abul det theilou zieh tampi um nava, nanleh poimaw deu a i theite thum en va ui.

1. Kibulphuna dihlou zieh: Inn ibawl chiengin abul (foundation) adetlou leh bangchituhin a inn pen hoi in etlawm nanleh adetdou sih hi. Huipi, guopi ahat chiengin akilawng a amutsie pai thei hi. Singphung zong abul/azung a detsih leh a piching thei tahtah sih a, piching ding akisah chiengin zong ding zoulou in

apuo jel hi. Tuachi mabang in, hattuum pawlpi ichi zong iki bulphuna adihlou chiengin detzoulou in ki piching theilou a, piching dia kisate zong kesuhin kiem suh thei zel hi. Tuaziehin hattuumte i buldet theina ding in Jesu Khrist a kibulphu angai hi. Tuami dingin laisiengthou a buldettah a i ki chitu ding uh kism hi. I pu leh pa mawl (simmawna hilou in) te'n Pasian thu ana awi vang un laizilna (education) ah ana mawl ziehun (a tamzawte) Pasian thu ahiding bangtah in ana thei thuh zousih ua, ahing hilding bangtah un ang hil zousih ua, aki hil khalou atamzaw kihi nalai maithei, tuamai hilou in, tulai Khangtha laisiem tahtahte'n zong Pasian thu ahina bangtah suikhelou in nu leh pate biehn sakhuo ahiman a zui leh Pasian bieh tampi ki um lalou ding hi. Tuaziehin, hoi mama bang in kilang nanleh ahinatah theilou in lunglutna leh sakhomitna tahtah neilou in amin a (nominal) Khristian ihi uh chilei ki khiellou maithei ding hi. I kibulphu dan uh dihlou zieh in nu le pate ana bieh sakhuo ahizieh a zui maimai (hereditary) kitam sim in akilang thei hiel hi. Tuakhu Jesu Khrist Khantanhoi a kibulphuna

tahtah ineilou zieh uh hi in ka mu hi.

2. Nehlou ding neh zieh: Mihing in nehrou ding inei chiengin i tahsa'n anat/dammaw law jel hi. Etsahna na'n Damdawi khu tahsa damna dia siem ahia, nanleh nehrou ding (inatna toh kituohlou)nekhahpendamdawi hinanleh damna sangin natna kibehna asuoh a, tahsa'n alel a, thamlou in shi theina zong ahi hi. Eden huon ah Adam le Eve in zong nehrou ding singga aneh zieh un a shi uh ahi (Pasian etin). Tua mabangin hattuumte'n zong nehrou ding sil tamtah inei jel zieh un Hattuum in natlaw in chidam theilou in lungvai in, suhdam theilou ding phielphiel in tamtah um tham ta hi. Bang e hattuumte'n a nehtheinailou i? Sawm-a-khat leh Biehinna a hing kitawi silpieh chi tuomtuom atunna ding tunglou te la.....!! Sawm-a-khat khu Pasian a ahi (Malaki 3:10): Pasian silte Pasian pie unlen, Kaiser silte Kaiser pie un' achi hi. I pawlpite'n kum peisate ah Local ki etkolna ding in 10%, 20% chite ang na bawl sah ua, tuamai i hawmthaw ua, kum ni vel peisa apat in 30% ibawltou kia ua, hoi isa chiet ua, i kipah chiet uh. Kipah huoi tham hi.....Aziehpen, kumdang

a Local share ding gentahlou pawlpi kitoudel la dehdeh hinapi, Pasian hoina jal in local zong share kipethei ta ahiman in, ahin apoi mama khat khu khenkhat tuami a zong lungkim nailou chi ding e, du-am leh huoiham tah a nasem zong kibeit tuonlou a bang hi. I ki vaihawmna sangpen Synod Session nahsahlou leh jatatlou ki um tham nalai hi. Vaihawm zatatlou khu Pasian zatatlou ahia, ama leh ama zong kizatatlou asuoh hi. Aziehpen amazong avaihawmtu khat ahi hi. Tamite zieh ahi tuni tan a hattuum pawlpi buldet theilou a, alungvaina, Pasian zal in (chimai vai) i khangtou ta mama ua, Biehinna hoi leh kilawm tahtahte zong tampi ineita ua, kipah huoi sa veve ing, nanleh apoi mama mai ngaisut ding a hoi kasah khu asung akikhawm ding mi atawm deudeu bang kasa hi. Noute'n la ...? Nehrou ding inei jeljel zieh uh hi in kathei hi.

3. Kivaihawmna dihlou zieh: Laisiengthouietchiengin, Israelte hinkhuo ah akivaihawmna uh a dihlou chiengin Pasian in vaihawmtute gawtna a pezel hi. Koizong vaihawm dihlou khu Pasian gawt in a um zel hi. Ki vaihawmnate ang dihlou chieng kidemtuna,.....kithangsietna,

mani angmasielna chite hing um in, u-le-nau, be-le-phung chite a kipawlkhenna (groupism) te ahing um pan a, tuate'n vaihawmna paihoisah theilou in atawpna ah hattuum pawlpite'n thuohlaw zel hi. Aziehpén tahsa deidan a kivaihawmna ah tahsa gaate ma agasuo a, hagau in gaa asuong theisih hi. Tuachiin, Pasian hagau a tengthei sih a hattuum a ding zou zel sih hi. Tahsa kivaihawmna aiteitou jel leh Pasian hagau teng theilou ahiman in tunua khang bangzat amaw zou ah, hattuum pawlpi zong u-le-nau, be-le-phung ah hing ding thei leh a kilawm mai hi. Tuaziehin Pasian hagau siengthou in ahing tenchil theina dingin tahsa deidan a ki deisah

leh deisahlou thu maihilou in Pasian deidan leh sakhomitna tahtah toh ang thudih leh thutah in kivaihawm lei kibuldet leh kiphungching thei pan ding in ka mu hi.

Thuzawna: Hattuum khu ei (hundam tate) ihi ua, Jesu Khrist aneitu ahi ziehin mihing ah kingalou in, deh zong dehbawl sih va ui. Jesu Khrist zal a din sa Pasian hattuum ihina uoi chi eima chiet ki enchien in ki ngaisut zaw va ui. Tuachiin aphuttu leh aneitu Jesu Khrist deidan a um in, ama a buldet leh phungching thei ngei dingin hattuumte'n pan la tha va ui. Mangpa'n hattuumte guol hingzawl zing taken! Amen..!

MUSIC PROMOTER

Music Committee in Interview ahatbang in Music Promoter ding Pu Thongkhanlal lah tha ahia, aman August 01, 2011 apat Office ah nichin a kai in nasep panta hi. Koipou Music lam toh kisai Vaiguon zang nuomten Promoter leh Sr. Executive Secretary i/c Music kimupi thei zing ahi.

Sawm-a-khat

- Rev. Awnkhankhup



I. Sawm-a-khat i chi bang e?

Gingtu mimal chin in Pasian guojawlina - sum le pai, ganta leh sildang dangte sawm lah a khat Pasian gam a ding a ipieh khieh uh khu sawmakhat ichi uh ahi. Tulai a hattuum zousie chi thei phiel ten, i uangbawl leh Pasian gam na isepna uh poimaw pen zong ahia, tam sawmakhat silpieh uangbawl a, dihtattah a bawl hattuumte hattuum hat leh khangtou ahi mai hi. Khenkhat ten Pasian Sumpi a chi mai ua, adang khenkhat ten ahileh 'Pastoral Fund' chi in zong a thei mai uhi.

II. Sawm-a-khat Bible a imudan:

Amasapen in, sawmakhat khu Dan in a phut zieh a hing kipan khe mai hilou in, Pasian siemsa leh ata lei mihing ten ama Pasian a itna uh leh a guolzawlina a donte uh zieh a nuomthu tutna a ana pat khieh uh ahi. Dan hun masangin, Abraham in

Melkizedek kungah sawmakhat ana pia a (Gen. 14:20). Jakob in zong Pasian kung ah sawmakhat piehding ana chiem hi (Gen. 28:21,22).

Tuachiin, Dan hun in Pasian in, gamsung a pieng haichi, theiga leh ganta te apat sawmakhat kei a ahi chi in ana gen a (Lev. 27:31-33), tuate Levi te a dinga hing tawikhawm dingin thu apia hi (Deut. 14:28). Lengte hun in Israel mipiten thupieh a mu bang un, an hoipente, grep hoipente, oliv sathaute, khuoizu leh louma gasuo dangdang te banah gantate hing tawikhawm in a nei zousie uh tung a sawmakhat leh silpieh dangdangte ah nang sol uh chi in a mite guolzawlina tang ding a hing kinuale dingin a han hi (Mal. 3:7-12).

Thuhuntha hun in Jesu'n sawmakhat subei lou in, abelap zawzop hi (Matt. 23:23; Mk.

12:13-17). Hattuum masate hun laia gingtuten, sawmakhat sang a tamzaw tham pia uh hiin akilang hi (Nas. 2:44,45; IKor. 6:1-2;8:1-15;9:6-15).

III. Bangzieh a sawm-a-khat pieh ding e?

1. *Silzousie Pasian a ahiziehin:* Louma a pieng leh a kikhawi gantate lah a sawmakhat Mangpa Satan ahi thu Lev. 27:30-33 sung ah i mu hi. Thamlou in leng David in, vanney leh a sunga sil um zousie Mangpa a ahi thu ana genkia hi (Sam 24:1). Tam pen, sawm lah a khat te mai hilou in adang kuo um nalai teng zong Mangpa a ahi china ahi. Hinanleh, aman sawmakhat mai ahing phut ziehin, adang kuo um laiteng ama lemsah bangin i nei in, itang ahi china bang ahi. Tambang ahiziehin, aneitu hilou a, Pasian neisa kemtu leh enkoltute ihiziehun, a neitu (Pasian) kung a silpieh ipieh ding mawng leh i bat uh ahi ichi thei hi. David in, ‘...ka mipite leh keiman bangma kang pezou sih uh, a ziephen silpieh bangkim nangma a hing kipan ahizaw a,

nangma a bou kahing pekia uhi’ ana chi hi (I Khangthute 29:14).

2. *Itung a ahoinate zieh a nuomthu tutna bang in:* Ama tapa neisun zong hoi loua, mikhiel eite a ding a hing pe pa’n i nichin tahsap leh mamawte zousie a hing pie hi (IKor. 4:7). Sam gieltu in, “Mangpa hoina khu bangchiin ka thuh thei ta diai le? Ama hing hutdam zieh in kipahtah in grepu kithoina silpieh tawi in vape ta vang e...” a chi hi (Sam 116:12-13). Tuaziehin, Pasian kunga silpieh ipieh chiengin, silhoi bawl a ama leiba va guon kihilou in, itunga ahoinate zieh a nuomthu gaven kihi pan zawsop dan ahi hi.
3. *Guoljawlna idon zomzel na dingin:* Jawlnei Malaki kam apat in Pasian in sawmakhat pe mite guoljawlna hing chiem in, ‘van kottate hong in silhoi chinteng hing buohsuh vang’ achi hi (3:10). Tualou in, I Mangpa Jesu’n zong, silpieh pe mite a dingin Pasian guoljawlna ana chiem a, ‘...tuachiin tena dim muva chin, kiphalna silpieh na tawi zou tan na kot ah hing

kisung va...' ana chi hi. (Lk. 6:38).

IV. Koite e sawm-a-khat pe ding?

Gingtu mimal chin in sawm-a-khat i pieh ding ahi. Upa leh Committee member hi nuom na mai a pieh ding hilou in, gingtu zousie in Pasion guoljawlna i don bang jel sawm lah a khat Pasion gam a dinga ipieh ding ahi. Mi khenkhat ten piengtha loute leh mikhiel (zune, zuzuoh leh kizuoh)te sawm-a-khat pe ding a ngaisun ngailou in, apia a um un zong phatuomlou leh umzebei bangin a gel uhi. Thudih kisa a hoi kisa khenkhat ten, tuabang miten apieh ding ding uh zong phalsah lou khop in, a sum muna uh siengthoulou chi uhi.

Nasepte 10:1-18 sungah galkap lamkai Kornelia silpieh in Pasion lungdamsah ahidan leh, ama pa hagau lam hinna nei dinga puitu ahidan ki chientah in a kimu hi. U.S.A ah nungah melhoi khat in a kizuona sum mute sawmakhat pezel a, tuachiin a van zong khawng thei mama kichi hi. Sawtlou nua in, tam nu silpieh in ama lungsim leh ahinkhuo

Pasion toh kinaisah hiaihiai ahi man in, atawp ah hing piengtha ta a, a nasep (asum muna) hing tawpsan thei ta hi. A hun peisa sung a ana hausa zou man ahitah man in tam nungah nu'n Pasion gam na hoitah in a sum toh hing semthei ta chiin unaupa Job Thangno in alaibu ah giel hi.

Tuaziehin, gingtu mimal chinten tam silpieh sawmakhat khu ipieh chiet ngeingei ding uh ahi. Tuami ahitheina dingin hattuum lamkaiten lampi sui in Campaign ibawl ding uh ahi. Innsung a pa pen ahilou leh nu pen in a pieh hun tawh lou hi. BCM pawlpi a hattuum Secretary khat in, kou hattuum leh pawlpi sungah member chin in sawmakhat ka pe suoh uh chi hi. Aman a gendan in, sum sui theilou naupang neu deu laite a dingin meman, bawngnawiman leh adang a lemtang bangbang ka bawlsah jel uh chi hi. Ettonhuoi kasa mama hi.

V. Sawm-a-khat etkol dan:

Sumpi ichi uh sawmakhat te khu hattuum in i sum muna lienpen uh ahi bangin, hattuum

mipite bildawna pen zong ahi zing hi. Thamlou in, Pasion gam na isep na pi pen uh zong ahiziehin, i Pasion a ding in zong a manpha pen ahi ichi thei ding uhi. Tuaziehin, lungluttah leh pilvangtah a tam sawmakhat hattuum a hing kitawite akisaipi sumsaitu ten a receive ua, hoitah a chiente (record) ahinua chieng a apeina ding bangtah a peisah a, asepha mun ding anasem thei dinga atun na ding mun tunsah ding ahi. A kemtu in Pasion satan leh Ama a ding a tuomse umte ahidan theisiem a, pilvangtah leh zauthawng tah a kep a, a zahna ding muntah a zah/peisah ding ahi. I gam ah tambang a sumpi kepna a na ginumlou leh na muon umlou lamkai tampite tunitan in tahsa leh hagau ah khangtheilou leh nasem theilou in um den uhi.

Tuaziehin, Sawmakhat pen a piehna lam a poimaw mabang in, a kepna lam leh azahna lam poimaw mama mai hi. Hattuum khat in, Pawlpi Receipt a ki received sa ahidan leh, khawmpi in apei ding dan a

guonsa um ahi chi ngaituo lou a, ama local tahsapna pou a azah gawpgawp chiengin pawlsung a lungkimlouna leh kituolouna kipatna hing hijel in, Pasion deidan ahilou na toh sietna kipatna ahing hijel mai hi.

VI. Thuzawna: Sawmakhat, ahina dihtah kithei chiensah zou chiet lei koi e a pelou ngam ding ahi thei a, tua leh theisiem in pechiet hita lei bang dinga Pasion sumpi tawm thei mawngmawng ding chi in a ngaituo thei hi. Tuachiin, akemtu ten dihtattah in kem in, mipiten adihna leh sumpi kizahna manphate hoitah in theita leh koi e sawmakhat pieh thase ding achi thei kia hi.

Tuaziehin, Hattuum lamkaite apat mipite tan in, Pasion zauna leh ginumna nei in, Pasion gam nasepna poimawtah a ngai in siengthou tah in silpia in, kem in zang lei, hattuum leh pawlpi te hingkhawng in, gingu mimalten tahsa leh hagau ah guoljawlna i dong ngeingei ding uh i chi ngam hi.

Jawllasahin Pasian to hang kinaisah diei?

- Upa Khupsuankham

X^{um} 1976 vel a pat kum 2000 tan dong nupi papi leh nungah tangval khenkhat in jawlla (love song) kai a Pasian phat ding chite ud khollou mipiengthate sah ding dan in ana ngaisut khol sih uhi. Hinanleh bangchih hun ahei a pat in TV a zong jawlla asah mai uh hilou in asah kawm ua alim a muthei ding tanpha in ang sin patep nalai uhi.

Jawlla phuhte idemna zong hi pongsan lou in, tamna igen udden khu khovela laisiem minthang tahtahte Cliff Richard kichite Pop song ana sasate, Cinema leh alim gin a naching sate ahi uhi. Amah apientha apat in tambang late anasa nawn sih a, Pasian a ding in akizang a, Pasian in zong a zang hi.

Tulai jawlla (love song) laa ngainate'n Bible ah zong "Solomon Kahla" a um vele achi ua, a um ma ahi. Mipil/misiem te'n "Solomon kahlate, Pasian in ami Israelte a itna leh Khrist in a hattuomte a etna a etsahna" ahi.

Tapidaw Pasian tate a ding jawlla sah leh ngaikhieh toh kisai in tam anuoi a dohnate kidong mawng lei, ichi uhi:

i) Jawlla khu Pasian hagau siengthou theisah adiei?

ii) Jawlla in Pasian toh ang kinaisah ei?

iii) Lunglenna kaithoute ahi zokha diei?

iv) Jawlla kasah ahisih leh ka ngaikhieh te'n Pasian lam ang naisah ei? Ahisihleh, ka ngaituona asusie in asunieh zosop ei?

"Jawlla sate"- I kam leh ilasah siemna te Pasian hing pieh ahi chi thei kawm a Pasian a dia ki susiengthou a kihepsiengthou hunta hilou iyh? Mizoram a lasa siem Pu Joseph Zaimingthanga leh midang bangza ahei te'n zong a pientha masang un jawlla nasa zelleng ua, hinanleh a pientha nua un vang asa nawn sih uhi.

Tuikhuh nah khat ah, “Tuihum leh Tuikha a pulkhawm thei lou, theipi kung ah Oliv a gatheilou” bang ahi (Jacob 3:11,12). Angaikhetute, zahna ding “Bill Pasian hing pieh ahi. Tuaziehin, isil ngaikhiehte apan a ingaituo ding a poimaw khu ka jawlla ngaikhieh in ka haguulam anakhangin ka ginna ahatsa tuom diei? Haguulam hinkhuo ang bawlthasah ei?” chia, kingaisut kisam hi.

Tapidawte hinkhuo khu, haguulam a kalsuonna ahi ziehin, i hagau lam basah thei ding solna tuomtuom bill a izahte leh mittaina mit a imute lah a i kiven ding uh ahi. Dachiengin Pasian hagau siengthou tenna temple itahsa uh isubuo in imiel kha ding uhi. Man a leisa ihi tangal ua, (I Kor.; 6:19,20). Tuaziehin, itahsa pumpi, Mangpa deina bangin kilemtha kia va-ui e.

DOHNA LEH DAWNNA

- Upa L. Langminthang Moreh Ward No.1

Dohna: Tualsung LCC member te khu mun khenkhat ah Mangpa Vumkhawl Ann (Sacrament) tuonvai leh hawmtu dingin Pastor ten a chiel zelleng ua, Pastor khenkhat in vang achiel ngai sih hi. Ordain Upate leh LCC member te zahdan akikhiet deu ngailou di i? Bang e ngaidan?

Dawnna: Na gen hang in Mangpa Vumkhawlann (Sacrament) mawngmawng ahia; tuaziehin in Pastor ten namdette chilou a chiel ngai sih ua, Sacrament kuong leh noute kisan khi lou

ding a ngai ahi. Hinanlezong, hattuom Upa kichin votlou nate a Pastor in a chiel a ahileh a hattuom dinmun zil a theisiem kisam hi. Pastor in a chiel vawt sih leh awimaw thei ahisih a, i Dan bu in a gen khu a dihpén ahi mai hi.

Upa Khupsuanpau, Gangpimuol

Dohna: Hattuom Upa kichin louna leh Upate umlou hun ah Pasianni a Sawm-a-khat leh silpieh dangdang latlou a, a um sang in LCC member khat ahisih leh khat poupou in lan thei mai leh bang achi diei? Bang e ngaidan?

Dawnna: Sawm-a-khat leh silpieh dang dangte khu namdet (Ordained) Upa ahei Pastor in alat ngei ding ahia, amabou na gen banga hattuum Upa kichinlouna leh Upate umlou kaal a sillat dingte khu Local Committee member ten alat mai ding uh khu ka ngaidan ahi. Amabou LCC member hilou in alat ding ahi sih hi. LCC member in alat theina ding san pen kum 3 a ding a Presbytery in a namdet uh ahizieh in.

Upa Kaichinkham, Muallum

Dohna: Bieltu Pastor leh Pro. Pastorte khu a umna hattuum hilou, abiel sung hattuum dang ah Sunday School ah simtu bang

a ngai ding a diei? Ahisihleh amin uh attendance register a khum ahoi diei? Bang e ngaidan?

Dawnna: Bieltu Pastorte khu amau biel sungah neitu hina atang ua, tuaziehin simtu banga koi khu dih khimlou maithei ahia, amin uh khum a Pastor/ Pro. Pastor chia koi a, chiemte thaw mai ding ahi.

Upa Vumkhangou, Zomi Zion

Dohna: Laban khu Bethuel tapa e, ahisih leh Nahor tapa e?

Dawnna: Laban khu Bethuel tapa ahia, (Gen. 22: 20-22) Bethuel Pa khu Nahor ahi (Gen. 25:20).

OPERATION MOBILASATION

Transforming lives and communities

Thumapui: Amasa penin tami O.M toh kisai ah article gel thei ding a ka um jieh in damna hing pie Ibieh Pa Pasian, atapa I Mang leh I Hundampa Jesu Krist leh thumoptu Hagau Siangthou min kaphat masa hi..Tualeh phalna hingpie deithohuai tah I Tangkou editorial boardte tung a jong kipathu kagen hi.

Operation Mobilisation International tangthu:

Operation Mobilisation begins with Prayer and Faith.

Operation Mobilisation hi American Nupi khat thumna jal a hing kiphutkhie ahi.

Amanu min khu Dorothea Clapp

akichi hi, amanu'n a inn gei a High School akai sangnaupangte adi'n ginum tahin kum sawm leh nga val anathum gige hi.

Mrs.Clapp in sangnaupangte tungtawn a khovel pumpi ah Khantanhoi akipuangja theina ding in Pasian kunga athum hi, amanu'n Johan gel Khantanhoi (Gospel of John) laibu neu (tract) anahawm (distributed) gige hi.

Pasian in athumnate sang in khantanhoi lekhabu neu (Gospel tract) hawmkhiet pasal naupang tangval tungpan khat in anamukha hi. Tua tangval pa khu Operation Mobilisation phutkhietu (Founder Director of O.M) George Verwer ahi'

Mr.George in Billy Graham

crusade azauna apat Pasian hagau in alungtang ah nasem in ahinkhua a Pasian nasem a Manggam kehlian ding leh khovel pumpi ah khantanhoi(Gospel) puangjah ding in (akipekheta) thutanna abawlta hi.

George Verwer in a college kai tung lai apat aloite mini (Walter Borchard leh Dale Rhoton) taw anathum khawm gige uhi. Hagau mangthai ngainatna leh veina jalin avan neite uh juakhie in Gospel Tract lei in ahawm khie uhi. George Verwer leh aloite'n kum 1957 in North America khopi leh mun tuam tuam te a zin in khanglai tamtahte Summer Camp programme jahpi in Pasian thu gen in Gospel tract ana hawmkhie uhi uhi.

SYNOD OFFICE TIMING
10:00am to 03:00pm

ANNKAM CHI THEPA

Rev. Kamkhosoi

1978-1990 Kum vel a ka innkuon ua B.D zil a U.T.C., Bangalore a ka um lai un, ka ajapu khat uh, Church of South India te Bishop khat Bp. Ananda Rao Samuel kichi khat a um hi. Ama lamkaina nuoi ah, Practical Work in Chennai (Madras) ah ni 10 (som) vel taam ding in ka va zin uhi. Tuanah CSI in anei Project tuomtuom aneite uh ka honpi un ava enjel uhi. Mittote ahonpi un akoi ua, Mitto School bang, mibangloute koikhawm a khutsiem silbawl tuomtuom azilsah mun uh bang, ngakhawina, puonkhuina, computer zilsahna etc. Nikhat C.S.I lamkaiten Hotel minthang mama khat ah ka bawn un ann angkhelai uhi. Tuami hotel a amizahte uh nektie tobang a ngong kigah linlen bang ahi ua, mikhat annehman Rs. 500/- val bang ahi.

Church of South India te

Biehinn khat, a khopi lailung tah ah a um a, opposite laitah ah Madras High Court Building thupi deu mai a um hi. Agam miten agen dan un, Case huoise tahtah nei tam high court a guollet te alungkham a, suicide tanpha ngap khenkhat, amai a Biehinn ah thumna nei in Pasion ava be zel uhi, achi uhi.

Tam Biehinn bang in i Biehinn te uh zong mizousie bel thei kin leh dong zousie'n azot thei leh abel thei Biehinn ahi angai hi. Tuachi ma bang in ei Pastorte, Upate, Numei lamkaite, Khanglai lamkaite zong i um uh angai hi. '2005 kum a laizil be kasawm lai in USA gam lutna ding a V isa mumasah angai zieh in Culcutta khopi ah kava zin hi. Ka zin ngainai louna leh melthei zong ka nei ngai louna khopi khat ana hi hi. Beidong in mun giehtheina, ziintun theina ka hawl hi. Hindu

tamna/Muslim tam khopi gol khat sung ah, Christiante Biehinn mun thum vel ka mu pai hi. Khat pen Mother Teresa ana khosahna inn leh Biehinn (Catholic) ahi. Biehinn thupi zaw deu pen Church of North India te Biehinn leh Pastor Quarter umna lamgei, a compound hoitah um ahi. Giehtheina Dormitory zong anei zieh un kava lutta hi. Adohna ding mun Pastor Quarter a kava lutsawm tah leh Uital vomgol ni in ang kawh utoh, hing kei dehdeh phiel in kava zau mama hi. Ui zau kawmkawm in Pastorpa kung ah giehna ding dawp in, ahithe i lou phet in ka pawt tahi. Ani gel un gate a kapawt tan in ahing kawh uhi. Anua in zong B.P nei chi tah ma, sawtpi kazau den nalai hi. Apamdeu Baptiste Biehinn a kava lutkia leh hoi a hing kipan a koina hiai? chi in ahing na dong uhi. Manipur mi ka hi, kachi leh Khamthei bawl leh migilou ding a hing gintat uh ama? ahoup i ha mama uhi. Atawp tawp in Mizoram Synod ten tuntheina leh Pastor Quarter abawl na

mun uh kava lut khah phet in inntung kabang vawt hi. Tua igen masahte Christian ahi thou ua, Christian hichiet lei zong Kol Christian ahi ban uah Bengali Christian te ahi ua, anukhiate pen Mizoram Chsristiante ahi uhi.

I Bible chang a itah lat ma bang in tungleng vaten giehna a nei na singkung ahi ma bang in Upate/Pastorte mi koipou miteng teng in azot thei/azot ngam ihi sawm ding uh ahi. Upa leh Pastorte i hattuum mite zahthei ihi uh angai hi. Tua gentah lou a, i hattuum milou ten zong apoina mun ua azah thei uh ihi angai hi. I Biehinn a zong mihina kibanglou zong ki um, kum khat phiel Biehinn a amel kimu nonlou zong um thei bang hahsatna nei ahi uai? chia Pastor/Upaten ikan khiet uh sil kilawm hiva chi ing. Tuachilou a Pastor/Upate zong a um nalam kithei chienlou a hawlkhieh ngai zong ki um thei veve ahi. Pilvang chiet vai. Mangpa'n i thugente theisiemna lungtang toh guol hing jawl taken, Amen.

PATRON MEMBER-TE

- | | | | |
|--------------------------|-----------------------------|-------------------------|---------------------------|
| 1. Upa Gouzamang | 2. Pu Hav. Khamchinkhup | 3. Pu Khamzalam | 4. (L) Pu Chinzasuan |
| 5. Upa Liansuanpau | 6. Pu Khamchinthang | 7. Pu S.Dalthang | 8. Upa Kapkhanthang |
| 9. Upa Langginmang | 10. Pu S. Nangkhanlal | 11. Pu S. Lamkthothang | 12. Upa Dr. M. Lachinkhai |
| 13. Upa Khamchinjam | 14. Upa (L) D.K.Manlun | 15. Upa Suankhanmang | 16. (L) Upa Khupgou |
| 17. Upa Chinkham | 18. Upa Ngulchinkham | 19. Rev. V.Vungzalian | 20. Rev. Kamkhosoi |
| 21. Rev. Tualzachin | 22. Rev.(Rtd.) H. Nengzaton | 23. Rev. Awnkhankhup | 24. Rev. Hangpi Manlun |
| 25. Pu Tuanzapau | 26. (L) Rev. Ginchinjam | 27. (L) Rev. Khamzasuan | 28. Upa T. Lamkthothawng |
| 29. Pu Khaichinmang | 30. Rev. Chinzathang | 31. Pu Khupkhanmang | 32. Pu Khaidohlian |
| 33. Hav. Khamzahang | 34. Pi Vungzanuam | 35. Pu T. Gouzadou | 36. Pu Liensuonkap |
| 37. Pi Zelkhochiin | 38. Pi Hatkhanvung | 39. (L) Pi Ngaihoiching | 40. Pi Mankhannieng |
| 41. Pu Goukhanmang | 42. Pi Chingzalam | 43. Pu S. Thianzakhai | 44. Pi Kamkhanching |
| 45. Pu Haukhanpau | 46. Pu Tuallianmang | 47. (L) Pu Dongkap | 48. (L) Pi Chingkhanmang |
| 49. Pi Donkhonian | 50. Upa Henzakhup | 51. (L) Pu Saichinpau | 52. Pu Goumang |
| 53. Upa (L) Khamkhanhang | 54. Shie Laangkhanlal | 55. Pu Khamkhanlun | 56. Upa L. Tualkhanpau |
| 57. Pu Jamsianmung | 58. Upa Ginzadong | 59. Pu Kaizathang | 60. Pi Goizanuom |
| 61. Pi Thangneivah | 62. Shie Khamzathang | 63. Pi Donchin | 64. Upa Liankhanmang |
| 65. Pu Hauchinlun | 66. Pu T.S. Lal | 67. Pi Goichiin | 68. Pu T. Khupchinthang |
| 69. Pu T. Kaizalam | 70. Pu Paul Henkholal | 71. (L) Pu Soikham | 72. Rev. P.C. Manga |
| 73. Rev. T. Khamchinkhai | 74. Rev. Jamlianpau | 75. Rev. Chinzapau | 76. Rev. Kamkhosam |
| 77. (L) Upa Chinpu | 78. Pu Zamkhanthang | 79. Pu Chinglen | 80. Miss Chinhaunieng |
| 81. Upa P.K. Soia | 82. Pu Goukhai | 83. Pi Niangkhanmang | 84. Evan. G.L. Joshya |
| 85. Pi S. Chingkhanmang | 86. Pu Vumchinkhup | 87. Pu Lamchinhau | 88. Rev. Mangsuanthang |
| 89. Pu Kamgenpau | 90. Nh. Deborah Zou | 91. Mrs. Vahkholhing | 92. Pu Hauliankap |
| 93. Nu Chinnu | 94. Pu T. Kuppa | 95. Upa T. Gougin | 96. Pu Ginsuanhau |
| 97. Pu L. Langminthang | 98. Rev. David K.Samte | 99. Upa T.S.K. Samte | 100. Upa S.K. Khama |
| 101. Pu Jamkhopao | 102. Pu Thathang Taihul | 103. Pu Kamkhankap | 104. Bhim Prasad |
| 105. Rev. M.Kapsuanthang | 106. Rev. Khupkhansuan | 107. Nu Chingneikim | |

LIFE MEMBER-TE

- | | | |
|----------------------------|--------------------------|-----------------------|
| 01. (L) Upa T. Khupkhenpau | 02. (L) Pu M. Ginzahau | 03. Pu Selzapau |
| 04. Pu L.C. Pautungnung | 05. (L) Pi Khamkhannieng | 06. Pi Ngaiuom |
| 07. Pu Chinsuanthang | 08. Pu Shanti Kumar | 09. Pu Kamkhohau |
| 10. (L) Pu Khamkhohau | 11. Upa Khamzathang | 12. Upa Chinkhanthang |
| 13. Pu Tongzathang | 14. Pi Chiinneilam | 15. Pu Kulthang |

Undelivered

Please return to:

The Editor

Christian Tangkou

ZPCS Office, Zomi Colony

Churachandpur - 795 128

P.O. Box - 48, Manipur, India

e-mail: zpcs@rediffmail.com

To

--	--	--	--	--	--

Edited and Published by the Editor on behalf of the Zou Presbyterian Church Synod